

第 9.7 節

【蕉嶺曾氏修譜序言摘錄】

武城曾氏 53 派裕振支脈，從汀州寧化石壁村，遷徙梅州蕉嶺（鎮平）蓼陂為家。定居 150 年後，於公元 1520 年代由啟瑞房的 59 派淙魯起頭、60 派文琦及 61 派貫道三代（見譜表 9.64）接力編撰《蕉嶺曾氏族譜》。到公元 1600 年代，有 64 派豫定，66 派尚敬、尚唯等（見譜表 9.62）續修蓼陂族譜。清康熙年間曾修譜一次，清同治年間，南宗總局曾國藩展開全國族譜調查，可惜資料散失。直到公元 2000 年初，76 派繁謹倡議續修蕉嶺曾氏族譜，於公元 2011 終告完成付印。

蓼陂繼修譜牒序（曾淙魯）

大凡修譜之意，所以宗本始之道，俾子孫知所聯屬，而傳言于方來者，豈有亢宗之心，而自衒美哉。我族舊有譜牒，久因兵焚之餘，失其初祖字號行實。然自念二郎以下至顯考，僅五世，其間存歿年月，及所葬土名，或出繼，或早逝，所知善行，皆謹修錄。所不知，皆闕之而不書。所以傳方來之驗矣；但不能詳于其間為歉耳，固不忘附名胄要族，以誣其先派，併失本始之道，所謂俾子孫知之，而既傳信于方來者，于斯有明焉。

明天順七年(1463 年)癸未仲冬穀旦七世孫 淙魯補敘

歷次編修族譜序言，說明修譜重點經過，摘錄以供參閱：

- | | | | |
|----------------|---------|--|-----------------|
| (1) 蓼陂繼修譜牒序 | 蕉嶺 7 世 | 武城 59 派：1490 | 淙魯，1466-1538 年 |
| (2) 曾氏族譜序 | 蕉嶺 8 世 | 武城 60 派：1530 | 文琦，1509-1531 年 |
| (3) 重修族譜序 | 蕉嶺 9 世 | 武城 61 派：1550 | 貫道的同學邱起萃 |
| (4) 曾氏重修譜序 | 蕉嶺 12 世 | 武城 64 派：1600 | 豫定，聞定 |
| (5) 曾氏重修族譜序 | 蕉嶺 14 世 | 武城 66 派：1660 | 尚敬，一敬 |
| (6) 曾氏繼修族譜敘 | 蕉嶺 14 世 | 武城 66 派：1660 | 尚唯，一唯 |
| (7) 續修族譜序 | 曾鵬元 | | |
| (8) 蓼陂曾氏續修族譜序 | 蕉嶺 15 世 | 武城 67 派：1680 | 衍聰，1653 生 |
| (9) 續修武城曾氏族譜 | 蕉嶺 24 世 | 武城 76 派：1960 | 繁謹，1934 -2011 年 |
| (10) 續修武城曾氏族譜序 | 蕉嶺 25 世 | 武城 77 派：1960 | 祥任，1924 生 |

曾氏族譜序（曾文琦）

嘗謂水之千流萬派，而本于源，木之千枝萬葉，而本於根。況人之子孫千億，而不本之祖乎，蓋人之宗祖，猶水之源，木之根也。人之子孫猶水之千流萬派，木之千枝萬葉也，前後子孫之多，使無族譜而傳之，後世不幾，如郭崇韜之冒拜郭汾陽，以貽後人之所誚乎，是以自古在昔，先民有作，若鄭若趙，皆有其譜而傳之後。

予思少時從父仕羅城讀書，後來因貢入監，見父所修族譜，日久廢壞，重新修整，其中祖宗生卒葬址，男女嫁娶之事則相及。父當時政繁事冗，抑且年老致仕回家，宗族子孫，從終日不食終夜不寢，為子孫當體父母之心，以成其事可也。是以親往宗族之家，廣詢博訪採，輯其事記于後，凡為我子孫者，俱要如祖立心操行，以耕讀為事，不可欺天人以為非事。詩曰：「君子有穀詒于孫子」，易曰：「積善之家必有餘慶」，此之謂也。

茲立族譜七本，傳之各房子孫收執，使其大小相承，而宗族聯屬之有序，前後相繼，而子孫昭穆之無紊，日後流之千百世之遠，皆有可考。倘有水火兵亂之事，其間必有存者，予是為序。

明弘治十七年(1504年)甲子九月重陽日，八世孫 曾文琦書

重修族譜序（邱起萃）

蓼陂曾氏族譜，修之于羅城久矣，今邑庠生**貫道**，乃羅城令之賢孫，有志復修，其所疏源派，敘昭穆，審同異，別親疏，可謂昭然明白，而先後之文，金聲玉振，鏗然煥炳亦可謂其文之重矣。**貫道**請予序之，予何言哉。雖然上有告焉，天下之受命氏，未有不本于聖之後者也，凡欲尊祖敬宗者，未有不知以譜牒為重者也，然徒知重其譜，而無尊祖敬宗之心，則譜牒為虛器矣，求其實舍是心，其何如哉。

曾氏**子與**（即宗聖公曾參）之後，積慶流澤，非一朝一夕之故。秦漢以來，至于唐宋，或仕或隱，播遷東南，流派世次不可考，入于國朝，令尹公**師參**，雖略究其大概，而未知悉也，使令不能因略而政詳，則族姓愈繁愈疏，愈遠愈忘，致有相見如路人，相閱如仇怨者矣。

此**貫道**之心，所以惓惓書是譜與，夫譜其譜者，尊祖敬宗之器也，心其心者，尊祖敬宗之實也，**貫道**之心乃祖之心，身在邑中庠生，而其力不忘乎譜牒者，敬祖睦宗之心也，異日登高科，躋臚任，功在朝廷，忠于社稷，則曾氏之後盛而弗替，繁而益親，是譜之傳，亦愈久而愈光矣。豈時今日之盛而已哉，謹以是序。

明弘治四年(1491年)辛亥冬十月朔吉庠生永豐 **邱起萃**手書
並贊

蓼陂曾氏續修族譜序（曾衍聰）

粵稽山東武城，刻譜甚明，所撰譜序，悉出名公翰院才人之筆，字字如球珠玉琳琅，流源世系明確，支派昭穆井然，昔賢既詳也。茲因檢閱先譜，遂忽有所感慨，我蓼譜入而未修，正宜續錄，又乘有始祖源流初譜，歷修詳悉，愚因特會合族，酌議抄修，俱有同心，即議出賞銀，為工墨之需，命予抄修，俱有同心。

但予老拙不堪，又不敢卻，承眾親往各處搜尋舊譜，並開後之未續者，今將武城之刻譜，與蓼陂譜合錄，而蓼陂譜之間有遺編者，予不惜心方，夙夜惟勤，因舊而續新，因略而致詳，增其未備，補其所闕，並無差謬，庶支派未遠不亂，昭穆秩然有序矣！茲幸告厥成，但言一序若文章蕭彩，詞藻典雅，敬待高賢，予謹書以誌事，以備後人之參考云爾。

清雍正二年(1724年)甲辰季春吉旦六十七世裔孫候選，

經歷七十二歲聰頓首書

曾氏重修譜序（曾聞定）

家譜何為而作也，大尹公憂祖脈之失其傳而作也，蓋自寧化流來，以念二郎為始祖，而世代相承，有自來矣。夫自羅城令尹師參，考知世系，始以創其略，惟幸國子監生廷璽（即文琦），終以成其詳，所及生卒塋葬嫁娶等事，則昭然有條理矣。蓋嘗論之，創者固難，而承者亦不易，七世祖（指淙魯）因略致詳，寫立族譜七本，分布各房，則子孫賢智，以為族譜，愚不肖者，以為故紙矣。

廷璽乃長房八世孫也，歷觀而重有所感焉，噫旁觀斯世，而立譜蓋亦鮮矣。雖承祖而有為，恐因時而或失，不罄誠而錄之，則此譜終于泯矣。廷璽而藏之，雖經陳賊之亂，未嘗有失族譜真跡，乃大尹後裔所收，亦甚寶而惜之，不幸遇陷城大變，而成煨燼矣。

幸得十世孫好錫號柳波，暨十一世孫伯華號南軒，旦夕惶惶，求而弗得，廣詢諸族，果有收存譜牒者否，吾則應之曰：「愚雖經離亂，不以家累懸心，而以譜牒為重，舊跡昭然猶存矣。」即乃鳩集文林郎五房之子孫，備出嘗銀，為工墨之費，請求宗孫定謹，依祖稿膽而錄之，以永其傳，不忘附要族，以誣其先派，未嘗輕設浮詞，以嘉其後裔，雖千百世之遠，觀諸名跡，而愈增光矣，中庸所謂善繼善述者，謹得其一、二焉，是為序。

明慶隆三年(1569年)己巳仲春谷旦十二世孫 慎齋拜書

- (1) 譜表 651：蕉嶺 12 世 武城 64 派：1600 豫定，即聞定，號慎齋，是中心、卒方、禾塘子等房祖。
- (2) 譜表 654：蕉嶺 10 世 武城 62 派：1560 好錫，號柳波，即志道之子，是文琦孫，門向北房祖。

曾氏重修族譜序（曾尚敬，字一敬）

嘗謂國之所重，丘民是已，民之關鍵，版圖為要，家之所寶，實子孫是已，子孫聯屬，譜牒為本，苟無其譜，則後世蕃衍，愈遠愈忘，昭穆無分，長幼失序，視族親如路人，視祖墳若故土，靚世式微之族，視吾族如喬嶽者，乃先公崇禮義，垂統緒而致之然也。

然自念二郎為始祖，至七世祖師三公為羅城令尹，間有監生、貢元、廩生、儒學、義民、壽官、耆老、德士、教書者，濟濟英才，非二三已焉，莫非秀氣鍾慶善所積乎。迄今離亂之後，經殘教弛，無能繼述之善者也。幸有族譜所存，人之名跡猶著，苟有賢肖之孫，洗眼一視，則觸目感心，猶可識之復焉。

古云：「學則為公卿，不學則為庶人」。夫師三公修譜于前，非一世舉焉，為萬世憂也，繼有十二世慎齋公重修之，亦為繼之一端也，邇得十三世愛竹伯補葺殘闕，得其修飾之功。茲者十四世一敬，欽承族公之嚴命，重修編撰，予斯何人乃魯莽之才，拆襪之線耳，敢贊一詞，但領命之餘，無敢戲豫，是以忘其固陋以序之。

明萬曆二十一年(1593年)三月朔 十四世孫 尚敬書

譜表 651：蕉嶺 14 世 武城 66 派：1660 尚唯，字一唯，舉人，慎齋公孫今辛方房祖。

譜表 651：蕉嶺 15 世 武城 67 派：1680 衍聰，2013 年續修蕉嶺武城曾氏族譜主編繁謹之先祖，中心屋房祖。

曾氏繼修族譜敘（曾尚唯，字一唯）

天地未判，混沌如一，既判則三才立，三光布焉，上有律以天時，下有襲以水土，中則別乎人倫，由是伏羲生，而始以制嫁娶，夫婦之道，領旨趣焉。或由地而取姓，或因時而命名，行諱立焉。堯舜以來，禹湯文武，其法大備，教化興起，內則父子，外則君臣，大倫定焉。歐蘇二公，始立譜圖，諭人思其終始，考究世系，代代相承，綿綿不絕，根苗起于一本，枝葉散于九洲，人若無譜，何以識其本而思其流也。

予曾氏始出姁姓，夏禹之後裔。帝少康次子**曲烈**受封于鄆，以是為姓也，至春秋僖宣失國，太子巫不幸去邑，而**鄆**去其附卩，後遂永以**曾**為姓也。僖宣（即**時秦**）生巫，巫生天，天生阜，經傳數氏無載闕錄，後點生參，為武城始祖。

迨念二郎諱裕振公，五十三世矣，其次子十六郎與兄嫂**聶氏**大娘，焚金負父母骸，流來程邑高思鄉，溪口大坪上湖面安葬，座北向南，土墓有碑為記。**聶氏**生四子：長曰念一郎，次曰念二郎，三曰念三郎，四曰念四郎，自寧化縣石壁村徙來，生于宋時，來于元朝。十六郎之兄，卒于江西，葬于江西會昌縣羊角水墟坪上。自此以後，七世以上頗有失放。

唯**十六郎**娶妻**范氏**七娘，生一子名曰伯五郎，乃**蓼陂**之祖也。**師三**始作于前，**廷璽**繼述于後，三代相承，更互演繹，推明先世之統，燦然復著於後世，至十二世，遭亂世毀譜，惟**柳波公**存之，**慎齋公**得以錄之，續而贊之，尚幸此譜之不泯，其功為大，祖靈有應，其孫**一唯**名登戊午年(1618年)科十八名。會試回家，究先世之譜，遍詢族派，尚未續贊，不幸己巳年(1629年)天奪之速矣！

〈接下頁〉

斯人與十四世孫錦波，再續慎齋之律，乃予抄錄武城之譜，得為大宗小宗，所謂莫為于前，則無以基于後，則無以光于前，歷覽予族衍，枝葉攸盛，當上祖及今，位列九鄉于朝端之上。名播三台于部院之中，史冊昭著，斑斑可考，而其後支分派別不能盡錄，各族各自為譜，以遵其所出，統其族屬，辨其昭穆，然其諱字諡，生歿娶葬，不致謬失。

予亦有年，不堪治事，質駮詞俗，敢稱一序哉。弟承叔姪之請，譜牒攸重，敢推之不理，一旦欣然似有以得要領者，間有窈附己意，謹表依舊譜謄錄，增其未備，補其所缺，庶使昭穆永遠不亂，而有所考者焉。

朝廷有史略，宗族有譜約，賢者獎之，不肖者勸之，不可以訛傳訛，真化假，亦不可以卑論尊，疏踰戚，世遠人繁，賢愚不等，或生于形氣，或原于性命，而所以為知覺者，不同也。

六十四世孫 一唯書

續修族譜序（曾鵬元）

……。又幾葉，裕振公生添秩十一郎，是為聶氏祖妣之夫，此時是五十四世矣。其舊譜歷歷可考，祖妣痛夫逝，攜四子與夫弟，捐寧化而來廣東，乃仰天天囑曰：「此行若遇蘿索斷則止。」行至梅州徐溪果斷，遂居茲土，歿葬蛇頭岡，歷代歲祀。是為我族一世祖，蓋元末明初時也。

自世代有懿德，力耕業儒，勤儉淳樸，迄今十五、六世，而發甲登科，明經遊庠，彬彬蔚起，亦稱郡邑望族，房祖分多而支派蕃，當初一郎移松源黃砂，二郎移南山下，三郎移楊古斗，四郎移居南華埧，而夫弟十六郎居蓼陂。支分派別，遠離散處於各州縣鄉鎮者，不可勝數，然猶念聶氏祖妣之裔，是世愈遠而族益渙，不極續修譜而嘆良久，爰謀族老，族老感發嘆曰：「為子若孫，而不能實稽先人之根源，仰體其聯合一體之心，謂仁孝何誠予之罪也。」

用是舉族捐貲鳩工，肇修續譜，按房分之來歷，搜代次之原由，自祖妣傳下家屬，支支條例，葉葉牒出。非族者，即富貴不妄收，是族者，雖貧賤不輕棄，其間名諱行業，生歿葬娶，悉為開載，仍詳小註，立例甚嚴謹，用意極為周密，俾後人一展譜而告某為派弟幾世，某為某世第幾人，則名分定而昭穆分，藹然興和睦之思，庶幾患難相調恤，吉凶相慶吊，世雖遠而誼彌篤，族雖渙而情彌合，一體而分者，還視之如一體焉，則祖德揚，而族勢張，皆譜之而貽也，則譜也者，誠紹先統後，為世世相傳之信書。

古來名家巨族，皆所不廢，誠重之也，今日續而修之，興起後哲，兢兢率祖父遺訓，無獲類族名教，獲幸我祖根豐源深，則流慶自長，當必有大發其詳者，後這賢裔，明宜存心積德以迎其體，毋妄自菲薄可也，是則修譜之愿也哉，是則修譜之後望也哉。謹記實錄以弁其端。

清康熙六年(1667年)潤四月朔旦裔孫庠生 鵬元沐手書于側修居

蕉嶺續修武城曾氏族譜序

盛世修譜，自古皆然。溯我遠祖宗聖子輿曾參公，自山東武城肇始，經歷二千五百多年，派傳已逾八十多代，裔孫遍布于寰宇，人才拔萃百工。尤以歷代帝王所賜頒之派語，沿用至今，歷久不衰。

解放前，舉凡有曾氏聚居之地，就有族譜可查。曾氏族譜已成為尋根溯源，敦情睦族之載體，蓋因當時湖南湘鄉有全國曾氏修譜總局，每年下至全國各地進行續修。解放後，由于諸種原因，不但冊籍散失無存，譜修中輟難繼，幾千年宗教文化積淀頻于湮沒，致使俎豆失記，昭穆不分，令人深感至愧。眾裔孫每念及此，輒有愧先靈而負疚，強烈要求續修，以延忠恕遺風，以襲一貫世澤。

邑屬裔孫同福繁瑾宗親、南山禮祥宗親等人，有鑒於此，為遂眾宗親修譜之宏愿，為弘眾宗親之孝心，乃以極熱之激情，以艱辛之忠貞，肩挑續譜之重任，成立全縣曾氏修譜機構，先是走家串戶登記宗親之世系，繼而集錄各地之房派成冊，工作之艱巨，任務之繁重，可想而知。然天道酬勤，苦心天下負，歷時十四年之久，任族譜終將功成付梓。今年夏，適四川企業家曾鑒宗親不遠千里來蕉問祖，對所編族譜贊譽有加，允諾負責印刷費用。至此，族譜得以重生，俎豆賴以延續，實乃曾氏先祖之靈佑也。

族譜結構合理，以縱線為世系傳承，橫線以述先人之事跡，以派系表其體，以流徙言其用，脈落分明，有有一日編纂國譜時可與之銜接勾納。

值此族譜剞劂之日，展續之餘，毋忘編修人之劬勞艱辛，永記企業家及鄉賢之慷慨熱忱。是為序。

9.R

參考文獻

世界曾氏宗親會發起《曾氏族譜》，台灣各姓淵源研究會發行。1999
重修《秋圖譜》；2001 重修《水照譜》

余保雲編著，《寧化客家姓氏》，海風出版社，福建三明市，2010 年。

曾建元論文，《客家曾氏的形成》，「以曾氏族譜為中心的考察」，2008
年。

曾祥任、曾繁謹等主編，《蕉嶺武城曾氏族譜》，簡稱《蕉嶺譜》，廣
東蕉嶺，2013 年。

楊北帆、張斌合編，《客地，閩粵贛客家之旅》，北京，2010 年。

黃森松主編，《美濃鎮百家姓》，高雄美濃，2006 年。

《廣東省交通地圖冊》，廣東地圖出版社，2012 年。

官方網站下載：

- 古梅州
- 五經富虎尾峰之役
- 拉夫
- 天干地支
- 揭西五經富
- 屏東宗聖公祠
- 桃澗堡的由來
- 桃園地名由來

